

四庫全書

子部

欽定四庫全書

子部

萬姓統譜卷

五十三
五十三

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣陳炳

欽定四庫全書

萬姓統譜卷五十

明 凌迪知 撰

下平聲

七陽

姜 天水商音黃帝生于姜水因氏後太公封于齊

周 姜子牙 汲人年八十餘避紂居北海濱聞西伯善養
老乃之周文王出獵遇於渭水之陽載歸立

為師稱曰尚父佐武王伐紂以
安天下授以丹書之戒封于齊

漢 姜肱 字伯淮廣成人與二弟俱以孝友聞兄弟共卧
起肱後與徐穉俱徵不至桓帝使畫工圖其形

狀肱以疾不出見後徵肱
為太守肱遂遁于海濱

姜岐

漢陽人守道隱居名聞西川太守橋玄欲召以
為吏岐稱疾不就玄怒敕督郵尹益逼致之曰
岐若不至趣嫁其母益固爭不
能得遽曉譬岐堅臥不起

姜詩

廣漢人事母至孝妻龐氏奉順尤謹母好飲江
水嗜魚鱸妻每旦出汲一日舍前忽泉湧出味
如江水每旦輒出雙鯉永平中察孝廉明
帝詔曰大孝人朝凡諸舉者一聽平之

姜宇

字子居少孤貧為河北陳不識家牧羊年十五
身長七尺九寸美風儀聰慧終夜讀書達旦而
止不識奇之欲妻以女妻不從其女曰
觀其姿才豈久為人牧羊者乎遂妻之

三姜維

字伯約天水人仕魏為郎中後入蜀漢詣諸葛
亮累遷征西將軍亮卒還成都與費禕共錄尚

書事封平襄侯
遷征西大將軍

晉
姜平子

天水人為秦州別駕符堅饗羣臣皆賦詩平
子詩內下字直而不屈堅問其故對曰屈下

者不正之物未足以
獻也堅笑擢上第

姜暮

秦州上邽人為晉陽長史唐公李淵引為司空
參軍薛舉寇秦州以暮安撫隴外拜秦州刺史

暮至邊撫以恩信盜賊衰止人喜
曰不意復見太平官府卒謚曰安

唐

姜晦

暮弟仕為蒲州參軍累遷長安令人畏愛之擢
御史中丞改吏部侍郎處事精明皆以為神後

貶春州
司馬

姜寶誼

上邽人父遠後周秦州刺史寶誼嘗游太學
受書以積勞遷鷹揚郎將從高祖督盜太原

及起兵歷右武衛大將軍與宋剛戰被害贈幽州總管諡曰剛子協善篆籀歷夏州都督封成

紀縣

侯

姜確

字行本蓂子貞觀中為將作少監以幹力稱高昌之役為行軍副總管高昌平拜金城郡公帝

將征高麗而確諫不從至蓋牟城中矢卒帝賦詩悼之贈邨國公諡曰襄

姜皎

上邽人父柔遠為地官尚書初為尚衣奉御玄宗即位授殿中少監尋遷太常卿監修國史後

坐洩禁中語流欽州病死世以為冤

姜師度

魏州人擢明經調丹稜尉神龍初為河北道巡察使作溝於薊門以限契丹備海鑿渠以

通餉路罷海運累遷至司農卿

姜公輔

字德文愛州人進士第以制策異等有高才每進見敷奏詳亮德進罷之後論公主造塔

忤德宗左遷

泉州別駕

宋

姜嶼

景德中劉文質奏部內官高輔之李易直艾仲孺梅詢高貽慶姜嶼六人有治迹賜璽書褒諭

姜讖

方士也自言有神術可使死者再生時仁后薨上悲慕俾試其術旬日不効乃曰臣見太皇太

后與仁宗臨白玉蘭賞

牡丹無意人間世也

姜潛

字至之兗州人從孫復學春秋田況舉名試學士院為明州錄事叅軍以母思鄉求致仕吳奎

韓絳共薦徙兗州又薦為國子直講神宗間其賢名訪以治道對曰有堯舜二典在願陛下致

之道何如知陳留數月青苗令下
潛即移疾去縣人詣府留之不得

姜遵

字繼式長山人舉進士為蓬萊尉累官侍御史
遷右諫議大夫知永興軍台拜樞密副使

姜綬

麗水人靖康初金人圍汴召募忠勇士奮蠟書
求援綬以忠翊郎應募剖股藏書緹下南壁為

邏卒所獲罵賊不屈遂被害建
炎中詔官其子特立為承信郎

姜克讓

字仲謙高安人世業儒父蚤喪立志讀書百
家之學無所不通尤邃於易初仕憲幕搏豪

強雪冤滯廉能有替年四十致仕篤意
孝友澹然不以勢利介意邦人稱之

姜夔

字堯章鄱陽人寓居武康與白石洞天為隣潘
轉翁號之曰白石道人夔答以詩曰南山仙人

何所食夜夜山中煮白石世人喚作白石仙一
生費齒不費錢仙人食罷腹便便七十二峯生

肺肝云云其詩大
有名于江湖間

姜浩

字浩然明州人以承信郎監平江郡稅務勵志宦業建炎中敵將陷平江浩力捍禦郡人德之

姜唐佐

瓊山人從蘇軾學文軾嘗贈以詩云滄海何曾斷地脉白袍端合破天荒蘇轍亦云瓊士

姜唐佐從吾兄遊氣和而通有中州士人之風

姜才

濠州人貌短悍知兵善騎射為通州副都統與元兵屢戰屢勝復守揚州元將使人招之才曰

吾寧死豈作降將軍耶復以疽發不能戰被執死之

元

姜思望

昨城尹有能聲在任百廢具舉積年之獄立為剖斷人服其明

姜或

萊陽人穎悟好學為左右司郎中時李壇反或從諸將討之或勸主將下令勿妄殺由是全活

者東遷知濱州課民種桑滿野人謂之太守桑官至行臺御史中丞

姜兼

字大民淳安人七歲而孤與二兄養母至孝母死兼哀慕幾絕既葬獨居墓下朝夕哭奠荒山中躬自樵採一衣麻寒暑不易同里陳氏戴氏子不能事其父一聞兼之行咸感而悔皆迎養

焉

姜碩

字公碩樂安人由相府掾累官禮部員外郎至正庚子奉詔自海道入閩至邵武招安諸叛者

遇偽指揮康宗等碩諭以朝廷意不從反欲降碩碩大罵死之事聞詔贈禮部侍郎諡忠烈

明

姜漸

諸暨人當元時來吳張氏起羅致之官以行省從事然未嘗有所干預獨時在坐席杯酒從容未幾遽以疾辭杜門不交賓客及國家初平吳禮其賢才用之徵為太常博士卒漸喜讀書文

亦質而

近理

姜仲能

四川人洪武中知西安縣性剴果臨事有為
縣戎卒數人肆暴不悛仲能患之執送京師

戮之民

賴以安

姜士原

洪武初貴池知縣清
廉直幹撫民有方

姜立綱

字廷憲永嘉人歷官太僕少卿天下稱善書
曰姜字即立綱也其所書點畫雅健體度圓

活初學黃養正書繼
法鍾王後自成一家

姜恕

永樂初台州知府有惠政嘗建言
水利及軍衛儲糧之弊民甚便之

姜洪

字啓洪樂安人也宣德癸丑進士選庶吉士授
檢討預修宣宗實錄書成進修撰洪為文從容

詳贍和平典雅其詩清麗有唐人風
謝病歸卒自號松岡有文集十一卷

姜濤

宣德中河間府同知尋陞知府在任剛直廉幹撫字勤勞郡內大治召為順天府尹

姜啓隆

永樂中知寶慶府撫字勤勞勸課不怠歲饑勸僚屬暨富民出粟濟活甚多後致政去民

至今
仰慕

姜濬

字子澄江寧人善書工小楷仁廟在替邸召寫泥金經最眷愛洪熙元年授中書舍人擢吏部主事出守雲南進按察副使督學政宣德間嘗使南京畢其事乃歸拜父母鄉里稱其寡過

姜洪

字希範廣德人自幼穎敏家貧力學嘗持布幣于市得假銀數曰人以欺我我何可以欺弃之成化戊戌舉進士知盧氏縣有孝子姜仲禮以身代父洪奏聞以免擢御史直言時政上悉嘉納之巡按江西省吉府請益庄田洪執持上疏事乃寢歷都察院右副都御史巡按山西卒于

官歷官四十年囊無
餘積門無墻垣云

姜綰

字玉卿弋陽人成化末知景陵縣時制度簡陋
蠹弊薦深綰劾別振作復為規畫興學墾土以
文章飾吏事六年民懷吏畏文治蔚然百姓立
碑以識遺愛尋擢監察御史後復陳言時政謫

知桂陽後累
遷至按察使

姜麟

字仁夫蘭谿人成化丁未進士以史事使貴州
特取道如白沙師事陳子出謂人曰吾聞人多
矣如先生者耳目口鼻人也所以視聽言動者
殆非人也吾何以名之至京師有問之者對曰

活益
子云

姜昂

字恒頰太倉人成化進士任御史力劾倖臣李
孜省聲稱籍甚歷福建左叅政為人仁孝廉靜

恬退平生一介不苟
取恂恂若無能者

姜清

字希夷上海人成化
甲辰進士歷通政

姜諒

字用貞嘉興人天順
甲辰進士歷知府

姜實

字若虛浦城人弘治庚
戌進士歷按察僉事

姜文魁

字士元進賢人弘治丙
辰進士歷按察副使

姜儀

字君肅南昌人正德
甲戌進士歷都御史

姜潤身

字德華膠州人嘉靖
丙戌進士任御史

姜恩

字君錫廣安人嘉靖
癸未進士歷布政

姜廷頤

字以正巴陵人嘉靖甲辰進士歷戶部左侍郎

姜良翰

字希召金華人嘉靖甲辰進士歷布政

姜金和

字節之鄱陽人嘉靖庚戌進士第三人歷國子祭酒

莊

天水徵音楚莊王支孫以諡為氏又望出會稽東海

周莊周

戰國蒙人嘗為蒙漆園吏其學無所不闕楚威王聞其賢遣使厚幣迎之周曰千金重利卿相

尊位也子獨不見犧牛乎我寧遊戲以快吾志焉著書十餘萬言大抵寓言光洋自恣雖當世

宿學不能自解免也

莊騫

楚威王命為將軍畧地滇池會秦擊楚道絕因自王于滇索隱贊曰西南外徼莊騫始通勞浸

靡莫異俗殊風爰
置郡縣萬代推功

莊暴

齊宣王臣
見孟子

莊賈

周人

莊辛

謂楚襄王曰君王左州侯右夏侯輦從鄢陵君
與壽陵君專淫逸侈靡矣襄王曰先生老悖乎
將以為楚國妖祥乎莊辛曰臣誠見其必然者
也非敢以為國妖祥也君王卒幸四子者不良
楚國必亡矣臣請避
于趙淹留以觀之

莊善

楚人以白公之難辭其母將往死之其母曰弃
親而死君可謂義乎善曰吾聞事君者內其祿
而外其身今所以養母者君之祿也身安得無
死乎遂辭行比至公門三廢車中其僕曰子懼

矣曰懼何不返莊善曰懼者吾私也死義者吾公也君子不以私害公遂及門刎頸而死

莊吉

莊壽

莊弘

莊博

莊視

莊克

莊緒之

俱見
印數

莊鄰里

字日賁

漢莊青翟

前漢人以功臣侯子孫拜相

莊君平

夷堅志云福有道人嘗見老叟同室歲餘告之曰吾乃漢莊君平也取一書授之天明叟出不歸視其書皆修身度世之說今但記其語云事業與功名不直一杯水又云獨立秋江水

唐

莊若訥

詩人

宋

莊夏

字子禮泉州人淳熙中進士知興國縣後累官兵部侍郎煥章閣待制屢上書言事皆切時政

史稱其負有為之才

莊方

字邦直晉江人隆興初登第知富沙有異政陞知韶州政尚廉靖

莊壬

字子中，惠安人。嘉定進士，尉永嘉。鹽寇掠境，憲司符夜至，壬謂白郡待命，則緩兵。亟發卒擒之。

上功于府，守怪不先白，將斬之。壬不為動，守意解，擢令拜壬掛衣而去。終海豐令。

莊徽

字彥猷，江都人。知平江府，朱勛蔑視州縣，官吏微獨不少假借，勛深畏憚，不敢讒。

莊柔正

莆田人。元符間，知福清，嘗改築天寶陂。陂之有，有大榕，柔正日聽訟其下，以董役，凡投牒

者，人負一石，理之曲者，輸石以贖罪。陂疊石為基，而計鐵以錮之。數月，訖工，改名元符陂。

莊公岳

惠安人。嘉祐四年，進士。歷秘書吏部右侍郎。元佑初，上疏極諫時事，璽書褒答，有顧惟忠

蓋深所嘉
歎之語

莊彌邵

字德修，晉江人。以蔭補承務郎，推臨安府通判。知吉安州，有惠政。除軍器監丞，輪對首以

進德修業為言兄彌堅登進士為編修官第彌大刑部郎

莊大成

永福人年七歲通書經紹興間舉童子科淳熙中詔舉賢良有司以大成應詔

元

莊文昭

至正間為南陽府尹勸耕興學通水利置義倉教行民富

明

莊觀

歙縣人英敏篤學歷官國子學正薦陞陝西按察司僉事提督學校有方進陞本司副使致仕

卒

莊濟翁

晉江人洪武四年知寧都縣勸農興學雖閭巷小學師生亦令朔望赴邑庠講解所習遠

近聞風而化又懲豪猾均賦役修陂堰造梅川橋民感其惠

莊得

建文末隸宋忠麾下懷來之戰惟一軍得全盛庸戰夾河得力戰助庸斬譚淵已而北平兵

勁騎乘暮掩
擊得力戰死

莊敬

宿州人永樂間由國子生歷河南左叅政蒞政
嚴明臨事果決子弟不衣羅綺宅舍皆以茅覆

洪熙改元上疏乞休特陞河南左
布政使致仕賜金荔枝帶乘傳歸

莊昇

字景暘成都衛人登柯潛榜進士任御史其先
莆田人也昇賦性專篤家貧苦志嘗惡士寡廉

節故居官飭躬狷介尋陞山東僉事有先任者
卒于官遺金數百瘞坑中其僕戲掘之以歸昇
遣人乘傳追先任者之子悉歸
之卒于官弱子扶襯歸蜀甚貧

莊轍

字中興上元人進士為秀水令正統初擢知蘄
州廉介仁惠百務具興民樂于從事劇盜逼境

民有被殲者極為
優恤咸愛戴之

莊伯和

龍溪人正統十四年為鄧茂七賊黨所獲至赤嶺賊首張永睡欲脅使之從伯和憤罵曰

汝等不顧天理不懼國法而悖逆如此我為聖朝良民安肯從汝賊邪賊見其仗義不忍殺拘

之三日仍迫以威伯和罵益甚遂受戮而死

莊敏

字廷功晉江人正統進士任吏科給事中骨鯁立朝論諫務存大體出守雷州威儀嚴重喜怒

不形人不見其有為而事無不治尤注意于學校云

莊英

字志彥歙人按察副使觀之孫成化辛卯應鄉舉乙未中乙榜除河夏邑教諭秩滿陞江西廣

昌知縣到任幾二旬適閩寇竊發剽掠生民英挺身赴捍遂為所害闔邑官吏父老傷悼之事

聞詔贈建昌府通判進其子潤為國子生

莊

闕

字孟陽江浦人成化丙戌進士改吉士授檢討
以言事闕
居家三十年薦起任南京

吏部驗封郎中致
仕世稱定山先生

莊

禛

字識之武進縣人由進士弘治間仕寶坻縣知
縣才識卓異興利除害抑強扶弱遠近州縣想

望丰采縣舊惟土城傾圮已久禛乃申請撫按
洪都御史准令民冠帶納銀以供其費禛仍令
縣民量家出貲以助不及限地分工即令民之
有力者領其役委佐二官以督之不旬日而城
成財不費而民忘其勞人皆異之分立市集修
建橋梁偉然為京東良縣皆禛之功也陞戶部

主事

莊

典

字惇之海陽人年十四遊郡庠夔不同俗弘治
九年進士初授安福令有能聲兩疏懇乞改

教調國子監博士尋陞德府長史建言五疏以明心術之微嘉納之丁內艱起復任淮府長史王敬信時宸濠陰蓄異圖王訐聞于上濠嫉典與謀設計杖死時咸悼之御史王完奏稱有直節正氣凜不可奪之語嘉靖改元加贈太常少卿遣官諭祭焉

莊維春

字元卿長樂人正德丁丑進士歷知府

莊壬春

字子仁晉江人嘉靖己丑進士歷知府

莊一俊

字君棐晉江人嘉靖己丑進士歷叅議

莊應禎

字希周惠安人嘉靖丁未進士歷布政

莊蒞民

字善甫東光人嘉靖丁未進士歷行太僕寺卿

莊朝賓

晉江人嘉靖
丁未進士

莊士元

字君聘晉江人嘉靖
癸丑進士歷郎中

梁

商音安定伯益之後秦仲有功封其少子康于夏陽
是為梁伯後為秦所滅子孫以國為氏

周

梁益耳

梁弘

梁由靡

並梁伯後
俱晉人也

梁鱣

字叔魚孔門弟
子封千乘侯

梁公弘

晉人已勝智氏歸而繕甲砥兵楚王恐召梁
公弘曰晉人已勝智氏矣歸而繕甲兵其以

欽定四庫全書

萬姓統譜
卷五十

十一

我為事乎梁公弘曰不患害其在吳乎夫吳君恤民而同其勞使其民重上之令而人輕其死以從上使如虜之戰臣登山以望之見其用百姓之信必也勿已乎其備之若何不聽明年闔廬襲

郢

梁鴛

周宣王牧正
能別養禽獸

漢

梁鴻

字伯鸞平陽人受業太學家貧尚節里有女孟光者擇對不嫁問之曰欲節操如梁鴻者光遂

嫁之與俱入霸陵山中業耕織後
過吳賃舂光每饋食舉案齊眉

梁統

烏氏人性剛毅而精法律更始拜為酒泉太守更始敗統與竇融起兵保境建武中與融俱詣

京師拜太中大夫統在朝廷數陳便宜以功封高山侯後出守九江有治績吏民畏愛之

梁宏

少隱海隅有盛名吳郡太守尹興辟為主簿楚王英謀反陰疏天下善士及事覺顯宗查錄有

尹興名乃徵詣廷尉獄宏與門下掾陸績功曹史駟勲及掾史五百餘人詣洛陽獄就考諸吏

不堪痛楚死者大半惟宏與績勲考掠肌肉消爛終無異詞後以陸績事得釋放歸田里

梁松

字伯孫統子為虎賁中郎將博通經書明于故事與諸儒修明堂辟雍郊祀封禪禮儀子扈永

初中為長樂少府

梁竦

字叔敬登高遠眺歎曰大丈夫生世生當封侯死當廟食如其不然聞居可以養志詩書足以

自娛州郡之職徒勞人爾著書名曰七序班固見之曰孔子作春秋而亂臣賊子懼梁竦作七

序而竊位素餐者懈漢明章間累辟不就

梁商

竦孫永建初襲乘氏侯累進大將軍自以戚屬居大位每存謙抑虛已下賢遇飢饉輒出穀賑

貧餒御門族不以權盛于法子冀嗣

梁懂

校尉所至說羗有功又破烏桓大人拜度遠將

軍

三
梁習

字子虞柘人曹操辟為漳長累遷下邳令所至有治聲後令并州刺史拜議郎入魏累官大司

農習在并二十餘年居處貧窮無方面珍物文帝異之

梁鵠

上谷王次仲善隸書始為楷至靈帝好書世多能者而師宜官為最甚矜其能每書軌削焚其

札梁鵠乃益為叛而飲之酒候其醉而竊其札鵠卒以攻書至選部尚書

晉

梁喜

仕於秦主興
為右僕射

北南

梁士彥

烏氏人少任俠好讀兵書頗涉經史周武帝聞其勇決自扶風郡守除為九曲鎮將進位開

府齊人甚憚之後平
齊以功封郕國公

梁睿

字恃德安定烏氏人父禦西魏太尉睿少沉敏有行檢周太祖時襲爵廣平郡公進蔣國公歷

敷州刺史涼安二州總管俱有惠政後平代王
謙之亂威振西川隋文帝受禪顧待彌厚

梁覽

字景獻魏金城人世為西羌部落曾祖穆以抱罕城歸魏封臨洮公祖顯為尚書封南安公父

劉河華二州刺史封新陽伯覽
以軍功官至太傅封安德郡公

梁昕

字元明安定人少溫恭見稱州里魏文帝見昕容貌瓌偉深賞異之授右前叅軍雍州刺史昕

撫以仁惠蠻夷悅
之封安定縣子

隋梁文謙

大業中為都陽太守飢民起為盜文謙招徠
撫字給錢米調之又培土為市以居民使貿

遷有無民甚德之當
時治行為天下最

梁洋

息州刺史有德政叅軍
裴洋與州人建塔作碑

梁毗

烏氏人祖越魏涇豫洛三州刺史封郟陽縣公
父茂周滄充二州刺史毗性剛蹇頗有學識隋

初拜治書侍御史遷雍州贊務直道而行出為
西寧州刺史諸蠻酋長以金遺之一無所納徵
為大理卿處法平允
官終刑部尚書卒

梁彥光

烏氏人七歲時父遇篤疾藥用紫石英求不
得彥光憂瘁忽于園中見一物不識取而持

歸即紫石英也高祖時岐州刺史
有惠政轉相州發姦擿伏如神

唐

梁悅

富平人以報讐殺人韓愈議不許殺人則傷孝
子之心許之則人將倚法顯殺乃流悅循州

梁肅

字敬之世居陸渾隋刑部尚書毗五世孫初中
文詞清麗科擢太子校書郎以薦授右拾遺修

國史終翰
林學士

梁文貞

虢州人少從軍守邊逮還親已亡自傷不得
養即穿墻為門晨夕汛掃廬墓左喑默三十

年家人有所問畫文以對有甘露
降瑩木白兔馴擾縣令刻石記之

梁震

依政人唐末進士遊中原取道荆南為高季興
所留季興甚重之震耻為季興所污但稱有唐

進士而不
稱其官爵

梁積壽

姚州道行軍總管高宗時有永昌蠻叛承命討平之

五代 梁嵩

平南人南漢時舉進士第一仕至翰林學士嘗賦倚門望子賦命歸奉母錫賚皆不受請獨一

郡丁賦從之郡人感德立祠祀焉

宋

梁周翰

字元褒管城人幼好學十歲能屬辭五代周舉進士為開封戶曹參軍入宋直史館累官

翰林學士工部侍郎有集五十卷及續因話錄

梁灝

須城人雍熙中進士第一累官翰林學士風姿粹美閨門雍睦與人交久而無改有吏才每進

對詞辨明敏真宗嘉賞之所著有文集十五卷

梁固

字仲堅灝子幼有志節初以灝蔭賜進士出身舉服勤詞學科擢甲第累官著作郎直史館為

人俊爽慷慨尚氣義明于吏道嘗詔鞠獄時
稱平審天禧大禮成奏頌甚工有集十卷

梁適

字仲賢灑子少孤輯灑制誥并自為文以獻真
宗曰梁灑有子矣授祕書省正字後舉進士累

官同平章事加太子太傅卒諡莊肅
孫子美有才幹仕至開府儀同三司

梁頤

字習之長汀人博學能文登進士以文章見重
於陳堯咨屢加薦引歷知廬州以和戎兵遷開

封判官

梁杞

莆田人性醇謹好學通五經直郡庠慶歷六年
登進士初為連州司理獄詳明部使者論薦

為桂陽令蒞政以惠民為本恤孤寡抑奸猾作
陂池教種藝平賦役弭盜賊庶務悉舉虔商有
擾市屢者設方畧毆逐之邑以大治嘉祐中遷
比部員外郎尋以朝奉郎通判鄂州軍事俗尚

正鬼為置局醫斥去淫祠陋俗為之一變熙寧初致仕

梁彥通

字貫之適之子以蔭補祕書省正字累勲上柱國封保定縣男時契丹使王遵義來聘往

勞之遵義言太守不服金帶是薄我不肯見彥通曰朝服不可改也竟不易服轉華州歲凶斗米錢三百乃括倉粟平價坐府中親視糶老弱至者曰千人遂賴以安事聞方召入會病卒

梁彥昌

字得之適之子舉進士累遷通判德順軍郡守將闕廳事屬邑以材木獻彥昌曰是必取于

民吾寧被譴豈希合以擾民哉卒拒之後守罷郡諸令皆得罪彥昌獨免時倉米數十萬紅朽不堪給軍食轉運使憂悸請以原價貸民彥昌曰倉吏失職宜正厥罪而後減值以貸之再仕東平監馬政廢弛朝廷遣使馳視遂條十事以奏為人篤實性不他嗜獨喜為詩有集十卷曰

汝陽
雜稿

梁子美

字才甫彥昌子以恩補將仕郎歷官都轉運使中大夫直秘閣每有奏請皆當上心朝廷

甚重之拜戶部尚書又命兼開封尹子美懇避上曰卿四世京尹縉紳盛事乃詔作記揭于廳

事拜中書侍郎乞罷出守鄆州鄉里榮之善屬文尤工於詩有耆英集一百卷奏議一百卷

梁仲保

賓州人忠義勇敢監司上其名以三班奉職克本州團練使慶厯間儂賊犯邊率衆來戰

死之郡人
為之立廟

梁立則

熙寧中知新州興修水利於州西南十里得其白鱸坑決其水溉田至今為利

梁公价

字實臣分宜人少孤力學熙寧中進士調贛縣簿稍遷承信郎守四門博士

梁世基

橫州人由攝官補登仕郎歷潯州司戶叅軍熙寧中特授大理寺丞

梁紹

壽州人仕宋為廣東提幹事母孝母疾掛冠歸及卒廬墓手植松栢號碧林亭甘露降芝草生

東坡在海外外間其孝節往見之易其亭曰甘露亭松曰瑞松皆為親題

梁燾

字况之鄆州須城人父蔭兵部員外郎燾舉進士累官右諫議大夫上書言市易青苗法不便御史張舜民不當以言事左遷元祐中拜尚書左丞好賢樂善每以引援人物為意後以元祐

黨貶雷州卒贈少保謚忠肅

梁巖老

初名汝霖字允濟永福人政和中擢第金人犯闕巖老佐尚書蔡懋守京城北壁有勞明

年金人再犯闕巖老奉使敵中敵幽荒寺月給以飲食食餘輒私曬之復啜飲陰漬其壁既而

所漬鮮損乃挾餘糧夜遁日則伏草莽夜則望
星緯南行竟全節而歸時建炎初元也上嘉其

節除直秘閣知泉
州方欲大用而卒

梁昭德

歸善人政和中以三禮出身授循州僉判有
治狀與邑人陳伯修李文輔為友鄉黨咸重

之號曰三善士唐庚謫惠交游
甚密復官北歸為賦別三子詩

梁汝嘉

字仲謨麗水人以外祖何執中任入官建炎
初知武進縣有治狀累遷戶部侍郎知臨安

府後以寶文閣學士知明州兼浙西沿海制置
使又更宣溫鼎三郡汝嘉長于吏治在臨安風
績尤著

梁鼎

華陽人祖鉞蜀劍門關使父文獻乘氏令鼎舉
進士知秣歸縣為度支判官建議興水利歷知

數州皆有治績磊落有尚氣介節名稱甚茂好學工隸篆籀著隱書史論等書

梁克家

字叔子晉江人幼聰敏絕人書過目成誦紹興進士第一累官叅知政事後拜右丞相封

儀國公卒贈少師諡文靖克家風度峻整謀國盡忠為文渾厚明白辭命尤溫雅

梁順孫

字景樞高要人兩貢辟雍第監邕州橫山峒金坑先是儂寇虜掠平民入峒數十年無一

人還者順孫撫以恩信又以身請使歸其人酋長畏服民之得歸者如市順孫死護送者連數

百里事聞官其一子

梁楚

電白人紹興中攝廉州博白縣令時交趾寇犯境楚堅城力守與賊戰引弓連斃數賊城破被

害高宗嘉其忠節贈禮部侍郎

梁季琚

字飭父麗水人以父蔭奉祠歷江淮坑冶鑄錢司幹辦公事通判湖州知信光二州荆湖

提舉尋除淮南路轉運判官兼淮東提刑所在有政聲淮東使客所由漕寄特重季琚知權臣激於求者之越次特閱班簿取履歷深而積用著者畀之尋加直秘閣再轉為太府卿除尚書戶吏二部侍郎兼敕令所詳定官所至一室蕭然惟圖史是娛楊簡為世名儒不妄交友閭季琚曰吾未見約于自奉誠于求去者遂款門求見其為人所敬慕如此

梁弁

西安人舉進士秦檜當軸以弁辟雍同舍且同舉進士召除御史弁謂天子臺諫安得為人作鷹犬左遷比部郎會轉對高宗曰卿不次當遷乃除右司檜意既為宰屬必與親比弁終不附稱疾乞祠高宗曰士大夫有操守而以疾乞去如弁者可惜也

梁觀國

字賓卿南海人志行淳懿未嘗踰矩日以讀書談道為樂尤疾檢邪而重忠義胡寅真德

秀輩皆

稱之

梁玠

乾道中知瀘州居歲餘民夷便之詔改瀘南兼安撫一路以旌其能瀘州為一路安撫自玠始

梁從光

光澤人家素饒淳熙間歲歉大發所積以賑飢近者餉以黍遠者遺以米凡數百人終其身

身凡遇歉
歲皆如之

梁益謙

以吏最聞乾道七年來為縣令修舉百度氣象一新首重學校課督士子增學田二頃有

奇疏南潒之水以灌陂田捐俸置賑濟倉恒以催科為未務士民德之咸相戒勿違教令淳熙

元年受代而去輿論歸其循良
歲久思之不置乃為立德政碑

梁南

一字力行南省第三人居鄉講授從游者衆有六經辨疑行于世

梁億

字伯安晉江人克家之子襟度夷粹母性嚴億奉事無違博親師友講學不倦以父任補官累

遺通判福州嘗著論語集解上之祕府進官一秩

梁藻

字仲章長汀人強學多識性樂蕭散父任不就三舉禮部未成名杜門自適工詩

梁應龍

博羅人貧而好學嘗欲市書而因子錢輒悅惜其母怪而訊焉告以故母因解所服簪珥

與之登嘉熙二年進士第時榻下有落第者皆哭應龍亦哭或問之答曰本欲苟祿養親今僥倖一第而親已沒是以痛耳性不嗜進取歷仕廣西二十年始改常德僉判以歸惠倅單崔明者嘗學於應龍至是盛飾車騎往拜之應龍不憚自是崔明造其廬必屏道從其嚴毅如此

梁琢

字文叔邵武人從游朱熹刻志勵學所論為學工夫熹多許可之

梁夢奇

德慶人世有義方累舉調潯州法曹廉謹自守年六十致仕郡太守下車必先訪其廬其

推重

如此

梁斗南

良鄉人第進士累官至河南都運性穎悟讀書精熟尤善作詩有幹局長于吏事能剖繁

治劇時輩服其通敏二子敬恭敬左
司郎中恭任元為中書平章政事

梁襄

芮城人性穎悟日記千餘言大定初進士世宗將幸金蓮川襄上疏極諫以直聲聞擢禮部主

事累遷保太軍節度使卒襄於春秋左傳至于地理氏族無不該貫

梁肅

奉聖州人自幼勤學夏夜讀書往往達旦天眷初擢進士累官大興少尹遷吏部尚書多所建

明世宗嘗謂宰相曰梁肅知無不言正人也卒
謚正憲為彰德節度時會世宗怒宋使就驛中
取國書選朝廷孰堪為詳問使不辱君命
者宰臣以肅對使還稱旨拜叅知政事

元

梁德珪

良鄉人仕至叅知政事奏對無不稱旨世
祖嘗怪州郡囚數過多德珪對曰當國者急

于徵求蔓延叢繫以致此
耳世祖感悟因大赦

梁曾

燕人累官淮安路總管兩司使安南國能宣布
威德其君贖以金帛奇物悉却不受還仍任淮

安能興學勵俗籍籍有聲後既致仕復起
為集賢侍講學士國有大政悉令裁決

梁宜

荏平人博雅有文學判徽州遷河南路總管俱
有治聲官至禮部尚書知澤州時嘗曰為政之

要有三謹民政肅官規
崇教本宜以是自勵

梁益

江陰人博洽經史而工于文辭其教人以變化氣質為先務浙西稱學術醇正陸文圭與益而

已所著書有三山藁詩緒餘史傳姓氏纂詩博旁通

明

梁寅

字孟敬新喻人通五經元末應舉不第洪武初召至京議禮以年老告歸從學者甚眾所著有

策要宋元史畧歷代叙畧石門集

梁潛

字用之闕和人洪武丙子舉人授四川蒼梧訓導薦陞四會知縣推誠愛民刻宿弊崇寬政台

陞翰林脩撰兼太子贊善坐事寘于法

梁銘

汝寧人洪武中以蔭補燕山前衛百戶北平被圍銘戰鬪甚力累建奇功積官後軍都督僉事後陞都督同知鎮寧夏封保定伯銘處心坦夷臨事寬簡而勇敢精悍好禮賢下士時論重之

梁伯興

永豐人洪武初以明經舉除真定府同知善政著聞陞應天府丞改知梧州府後召至京

查理刑科事嘗命撰日本國詔稱旨陞河南右布政使

梁時

長洲人警敏博學善為文尤工於詩洪武間田明經舉為岷州紀善後改翰林典籍預修永樂

大典所著詩文有億餘集藏于家

梁臨

字仲敬少從羅蒙正遊講明尚書大義極深研幾英華秀發為時推重蒙正亟稱許之洪武三年庚戌中鄉試高等明年辛亥登吳伯宗榜進士上賜宴中書堂使丞相汪廣洋胡惟庸主席

臨賦一詩人盛傳誦焉

梁仲仁

字大舉錢塘人號梅谷刻厲尚氣節洪武間以人材徵授陝州判官卓有異政清白聞遠

邇以母老辭歸永樂初召至京師以老懇致仕卒壽七十三家素饒裕而自奉儉約好士喜施

長身高論在衆人中昂然野鶴鷄羣也翰林檢討王洪為著梅谷先生傳

梁田玉 定海人洪武中由薦舉歷官郎中北平師入髡髮為僧避去雪菴和高河西傭川補鍋馮

翁皆避世者不知何許人

梁璧 洪武初知進賢縣在任廉明果斷囹圄空虛吏畏其威民懷其德立政清坊于縣前邑人稱頌

不忘

梁中節 定海人未詳仕何官少好讀老子太玄經北平後與郭良弃官同走出京城為道士入山去

梁良玉 中書舍人梁郎中族也北平後訣妻子易姓名挾微貨走出金陵城逾嶺至海南寓市肆

粥書為名以死贊曰忠臣蹇蹇遵彼海澨
耽書玩市資以盍簪迪如遺如哀此陸沉

梁良用

定海人父子兄弟八人同仕于朝北平後遂
相率變姓名避去良用去為舟師已而死于

水或曰梁氏父子兄弟為舟師投水死者五人
贊曰泛泛栢舟載浮載沉中流誓楫懷我好音

肯欠一死匪名是尋
以完我族庶明我心

梁致育

字遂初高安人通五經志行高潔洪武癸酉
鄉舉歷紹興建昌訓導六典文衡致仕家居

天順初流賊劫掠致育年已九十九且替被執
賊不忍加害以竹肩輿舁之行語舁者曰至選

口深淵即白
我遂投水死

梁觀

當塗人為入方正勤學善大書洪武末除吏科
給事中陞廣東僉事分巡潮州廉介剛果決獄

稱神天旱齋禱雨下如注沒于官潮人塑像韓山書院以祀之

梁祖榮

永樂中柘城知縣歲值霖雨教民疏濬溝澮邑無水災民有負租者貧無以償祖榮首捐

已俸以倡富民出粟助之由是官無負租而民不失所

梁孟嶽

永樂初為宿遷知縣為政有方賦均訟平使人民婚姻死葬貧富相恤四民懷之

梁裡

字以誠宛平人永樂甲辰進士第二歷編修

梁萼

字紹輝臨川人也幼孤警敏嗜學稍長師揭孟同孟同曰萼之文端重典雅如松柏之于歲寒

永樂四年郡舉萼應遺賢詔授都昌訓導後修成祖仁宗兩朝實錄少師楊士奇薦萼與修實

錄成賜白金鞍馬陞衢州教授前後五典京闈文衡文聲甚著有真趣軒集二十卷

梁觀

字廷實東平人父安領宣德間鄉薦累官廣平知府以廉能著稱觀正統鄉魁授監察御史按

陝西及河南以言事忤時相謫嘉善丞未幾朝廷特詔復其官山西河南大饑時撫治鄆陽馬文升奏求得如梁御史觀者往蒞馬朝廷從之遂擢為陝西副使觀控制要害懷來安輯民得

安業漢中人

感德祠之

梁璟

字廷美太原人天順甲申進士授兵科給事中累官陝西布政進右副都御史巡撫湖廣會永

州寇作率兵討平鎮守中官毆宗藩親至死璟訊之抵法力拒請托不為撓陟兵部尚書李文

正公為
銘其墓

梁昉

字景熙順德人天順丁丑進士歷布政使

梁儲

字叔厚順德人成化戊戌進士授編修仕至少師吏部尚書華蓋殿大學士致仕卒贈太師謚

文康弟億正
德四年進士

梁震

字子東新野人世襲榆林指揮使累功陞左都督鎮守陝西大同卒贈太子太保謚武壯

梁方

字惟義南海人成化壬辰進士歷布政使

梁材

字大用南京金吾衛人弘治十二年進士初授德清知縣平易正直清介絕俗興利除弊薄賦

輕徭雖古之循良莫能過也在任七年陞刑部主事歷員外郎郎中議獄詳慎人無適情出知

嘉興杭州二府在有德政頌聲盈途陞浙江叅政轉按察使時江西宸濠作亂浙江鎮守中官

畢真為之內應材密謀于巡按御史張縉縛真浙人恃以為安仕至戶部尚書謚端肅

梁穀

字仲用東平人進士考功主事正德十二年謫倅時大水城幾沒者一板百姓皇皇值穀公出

穎毫間做單騎馳赴冒險登城下令伐木浮直以當浪衝聯舟載土以防決隤極力規畫捍禦城賴以全尋檄言臺泉計材書役爰興百雉後以遷秩去累官歸德府左長史

梁廷振

字朝綱南海人嘉靖癸未進士歷布政使

梁葵

字叔車泰和人進士授刑部主事員外郎廣西按察副使陞浙江左布政使練達老成守正不

隨而多容君子尚之在任二年卒于官

梁有譽

字公實番禺人嘉靖庚戌進士歷刑部主事負英涵峻發之才與李攀龍輩號七才子不

幸夫死

房

清河商音堯子丹朱封邑侯以邑為氏

漢房鳳

字子元不其人以射策乙科為太史掌故舉方正為縣令都督失官王根薦鳳明經通達擢為

光祿大夫仕至青州牧明穀梁春秋世傳其學

房雅

王莽末為清河太守始居清河雅丹朱十九代孫

房植

字伯武清河人桓帝時為河南尹有名當朝鄉人謠曰天下規矩房伯武因師獲印周仲進由

是甘陵有南北之議

南止房天樂

清河人雅多辨智先為青州別駕刺史沈文秀拔為長史督齊郡州府事一以委之慕容

白曜攻青州天樂櫻城固守城陷為白曜執送京師卒弟子嘉慶漁陽太守嘉慶從弟瑚連長

廣太

守

房法壽

武城人仕宋為魏郡太守以功賜爵壯武侯卒謚敬曾孫酌累遷外任皆有能替憲政終

于樂陵太守

房叔安

清河人宋明帝時青州刺史王玄邈辟為長史玄邈為明帝所疑欲北決魏以叔安諫而

止齊高帝即位懷其忠正時為益州司馬寧蜀太守就拜前將軍方用為梁州會病卒高帝嘆

曰叔安節義古人中求之耳

房景先

字光宙幼孤貧無資其母自授毛詩曲禮畫則樵蘇夜誦經史太和中舉秀才歷遷齊州

中正卒贈洛州刺史謚曰文

房景遠

字叔遐景先弟重然諾好施與解史傳不為章句

房亮

字景高清河人好學有節操魏舉秀才奉朝請後歷濟北平原太守以清嚴稱卒贈撫軍將軍

齊州刺史

房豹

字仲翰清河人體貌魁岸美音儀釋褐府參軍兼行臺郎中遷樂陵太守鎮以凝重哀矜貧弱

豹階庭簡靜固圜空虛郡治瀕海水味多鹹苦豹命鑿一井遂得甘泉遐邇以為政化所致豹

罷歸後井水味復鹹齊滅還鄉園自養頻徵辭疾終於家

房景伯

字良暉法壽族子篤于孝友涉獵經史仕魏累官州郡皆有惠政卒贈齊州刺史

房謨

字敬先洛陽人仕魏歷昌平代郡太守所在廉惠神武入洛拜潁川太守徵為丞相右長史以

清直被賞遇累遷至驃騎大將
軍攝南汾州事世稱其清白

房胤

光祿少卿征
李密戰死

房士達

清河繹幕人北魏武泰初為平原太守抑挫
豪強境內肅然時刑果寇亂憚其威名越郡

城西度不敢攻達
後為濟南太守

房三益

清河繹幕人北魏高祖時為太山太守
轉兗州左軍府司馬所在以清和稱

房彥謙

字孝冲武城人北齊齊州治中周師入齊彥
謙痛本朝傾覆將糾率忠義潛謀匡輔事不

果而止齊
亡歸于家

房恭懿

字慎言洛陽人性深沉有局量初為德州司
馬政為天下最文帝異之稱其賢以勵諸州

朝集使即拜
為海州刺史

房兆

代人剛毅有武畧開皇中為邊將名顯當時嘗
為行軍總管擊胡以功官至柱國徐州總管

房暉遠

字崇儒世傳儒學明三禮春秋三傳詩書周
易遠方負笈而從者動以千計牛弘稱為五

經
庫

房武幼

壯為良子弟遠為賢父兄娶滎陽鄭氏
生六子次卿次公次膺次回次衡次元

唐
房玄齡

字喬孫臨淄人父彥謙仕隋為監察御史直
道守常介然孤立終涇陽令玄齡幼警敏貫

綜墳典善屬文書兼草諫太宗詢渭北杖策上
謁一見如舊為府記室從征伐獨以人物置幕

府累官尚書左僕射居相位十五年任
公竭節世稱其賢卒贈太尉謚文昭

房翰

字元功開元中以朝散郎為大舍令

房融

河南人聰慧好佛武后時以正諫大夫同平章事值天竺僧般刺密諦持楞嚴經梵本使融譯

書而筆授之

後流欽州

房瑄

字次律融子少好學風度沉整隱陸渾山開元中以薦為校書郎授盧氏令玄宗狩蜀瑄馳謁拜

史部尚書同平章事與韋見素崔渙奉冊靈武見肅宗及還都遷禮部尚書

房孺復

河南人瑄子連州司馬

房千里

字鵠舉河南人太和進士幼有才學恣意聲色遷端州別駕自覺奮出世俗屏絕塵櫻擢

高州刺史留心政治大得夷情

房武

施州刺史有遺愛吏民思之

五代房知溫

兗州人莊宗時拜泰寧節度使歷鎮天平平盧廢帝立封東平王子彥如拜沂州刺史

宋房超

為黎陽太守趙道德以事囑之超不發書闕其使齊主善之命守宰各置倍以誅闕之使

明房安

汝陽人幼聰辨性剛勁洪武中由太學生歷官江西按察使轉福建右叅政召為工部右侍郎

未幾出為山東右叅政所著有能名

房昭

都指揮守大同建文三年引兵入紫荆關掠保定登山結寨在萬山中四面險峻惟一徑攀援

可上昭守寨集兵糧進攻北平文皇惡昭逼藩府急回軍渡溲沱河八月真定將官都指揮韋

諒率兵萬人運餉援昭文皇曰昭得諒兵糧卒未可破比至餉入寨遂進兵合圍真定裨將都

指揮花英鄭琦來援陣峩嶺山下合戰大敗英琦及都指揮王恭唐忠等皆被執昭諒脫走西

水寨遂破永樂元年昭尚為將官備禦宣府

房俊

濟南人洪武中由人材判廣德公勤廉介撫字有方任滿而去行李蕭然民至今懷之

房齡

正統中儒學教授學行俱優善于教人生徒有貧不能自給者必周助之至今士類感慕

房明

字廷耀長清人成化戊戌進士歷官知府

房淦

山陰人成化進士

房瑄

字廷獻朝邑人弘治進士先為郎中上疏論時政時人稱焉歷官按察使

房瀛

字登之黃縣人弘治癸丑進士歷按察使

房有容

豐潤人嘉靖壬子順天解元

萬姓統譜卷五十

欽定四庫全書

萬姓統譜卷五十一

明 凌迪知 撰

下平聲

七陽

臧 東海商音魯孝公子彊食采于臧子孫因以為氏

周 臧文仲

魯大夫名辰諡曰文有三不仁下展禽知柳下惠之賢使居下位廢六關禁絕來遊之人

妾織蒲為蓆是與民爭利也三不知縱逆祀僖公是閔公兄嘗為臣應在下今躋閔上作虛器山

節藻稅為臧龜之室祀鷄鷩海鳥居魯東門三日命鐘鼓祀之

臧賓如魯大夫如齊會盟

臧僖伯

取部大鼎于宋納于太廟臧哀伯諫周內史聞之曰臧孫達其有後于魯乎君違不忘諫

之以德哀伯僖伯之子名達曰臧孫氏

漢臧曼

徐州從事上書訟第五種之寃

臧宮

字君翁潁川邾人從光武征戰以勇稱初為偏將軍從破羣賊復將兵徇江夏拜輔威將軍擊

諸郡平之後平蜀拜廣漢太守徵還封郎陵侯卒謚愍侯官謹信質樸故常見任用

臧旻

廣陵射陽人妖賊許昭陷城邑拜旻揚州刺史平之遷使匈奴中郎將後還京師太尉袁逢問

西域諸國土地風俗人物種數旻口陳其狀手畫地形逢大奇之

臧固

韓安國於梁舉
固皆天下名士

三臧洪

字子源廣陵人漢末董卓為亂義兵四起張超
合諸州刺史張邈張瑒張揚為盟洪乃升壇操盤
歎血辭氣慷慨涕泣橫下聞者莫不激揚頌之
洪為東郡太守治東武陽太祖圍張超于雍邱
甚亟超念臧洪當赴援眾以洪為紹所表用必
不來超曰子源天下義士但恐是禁制不相及
耳洪聞之果徒跣號泣從紹請兵求救超而
紹終不聽超遂族沒洪由是怨紹絕不與適紹
興兵圍之歷年城中糧盡洪自度不免呼吏士
謂曰袁氏無道所圖不軌洪于大義不得不死
念諸君可先城未敗將妻子出吏士皆泣曰明
府為本朝郡將之故自致殘困吏民何忍舍去
也掘鼠煮筋角後無可復食者殺愛妾以食將
士將士咸流涕無能仰視者男女八千人相枕

而死莫有離叛城陷紹生執洪謂曰今日服未
洪據地瞋目曰洪恨不推刃為天下報讐何謂
服也紹
殺之

臧霸

字宣高泰山華人父戒為縣獄掾據法不聽太
守私殺太守怒令收戒詣府霸年十八將客數
十要奪之因與父俱亡命後從陶謙擊黃巾歸
魏屢立戰功封良成侯卒謚威子艾孫觀曾毓
嗣爵俱仕至
青州刺史

晉 臧榮緒

泉陵人博文強記有良史風康帝即位以著
作郎脩晉書三十卷累官至御史大夫

南 臧熹

字義和從宋武帝入京城進至建鄴桓玄走武
帝便使熹入宮收圖書器物封府庫有金飾樂
器武帝問熹卿欲此乎熹正色曰主上幽逼播
越非所將軍首建大義劬勞王事雖復不肖實

無情于樂帝笑
曰聊以戲耳

臧嚴

字彥威幼有孝性居父憂以哀毀聞孤貧勤學
行止書卷不離手梁僕射徐勉欲識之嚴終不

詣累遷齊相東王宣惠輕車府叅軍羣書博
記遷荊州隨府轉西中郎安西錄事叅軍

臧燾

字德仁東莞莒人少好學善三禮貧約自立晉
太元中始立國學謝玄舉燾為助教宋武時以

后兄拜
太常

臧厥

字獻卿為晉安太守郡居山海常結聚逋逃上
以二千石討捕不能止厥下車宣化囚黨皆強

負而出自是居人復業
然政嚴百姓謂之臧彪

臧盾

字宣卿莒人初為撫軍行叅軍遷尚書中兵郎
性公強甚稱職後為吳郡太守謚曰忠子孟弘

內史仲博
曲阿令

臧質

字含文有氣幹宋文帝謂可大任以為徐兗二州刺史元嘉末守盱眙却魏兵三十餘萬衆

臧善

為臨海太守綏輯招聚流民歸者千餘家

臧寅

沈攸之宋順帝時為車騎大將軍初至郢州有順流之志府主簿宗儼之勸攻郢功曹寅以為攻守勢異非旬日所拔若不時舉挫銳損威不從既敗諸將帥皆奔散或呼寅俱亡寅曰我委質事人豈可幸其成而責其敗乃投水死

臧嘉猷

進賢人開元中州牧吳兢召不赴著無求論以見志兢名其鄉曰真隱里曰正吉以旌異

之又以所住
為旌賢坊

五代 臧循 銀州 雷後

宋 臧中立

毘陵人元豐間客鄞南湖時抱病求療者日數十人中立診治如神崇寧中徽宗后病甚

詔求良醫中立應詔以布衣麻履見上命之入診出而問曰卿診得何証中立對曰臣所診脾脉極虛殆嘔泄之疾作楚和藥以進且曰服此得睡為效至夜半果思粥食不一月獲安賜歸

詔出官帑市地為室南胡以居焉因名迎鳳坊

臧丙

大名人弱冠好學性剛果有吏幹太平興國初進士為大理評事多所建明淳化間拜左諫議大夫知江陵府子列進士及第官至太常丞

臧廷鳳

博極羣書歸宿于濂洛關閩之論學者尊稱為梧岡先生

臧幾道

浮梁人天聖進士

臧論道

浮梁人景佑進士

臧梓

紹興間為壽昌令循良清謹治民有道殿中侍御史張絢以聞高宗曰若得賢令如此一方皆受其惠非細事也趙鼎對曰縣令得人則皆安業上曰然朕欲區擇監司守令政欲安百姓也

既而教化大行為三輔最

元

臧夢解

鄞縣人宋末第進士仕元累官至廣東廉訪使嘗著座右四銘以自警其為人博學洽聞

為時名儒而敏于政事所著有周官考三卷春秋微一卷

臧睦

字季和長興人平日好義從沈元吉游家亦饒裕

明 臧哲

諸城人 洪武間以儒士為兵馬發奸摘伏不避
權豪歷四川府布政使恩威兼著吏民懾服

臧性

字孟庠 鄆人 父文清 歷清河績溪教諭 學行高
于時性蚤習庭訓 甫六歲教之 蒙求即能成誦

八歲入鄉校 日記千餘言 授以琴操 即知指法
既長 究竟書史 咸極闢奧 與永樂丙戌 以能書徵

入秘閣 繕寫永樂大典 書成適戊子 大比 以禮
經魁京闈 明年又魁禮闈 授鞏昌成邑令 以父

老 陳情乞典教鄉邑 忤旨 謫交趾 逾七年 用知
者 薦徵授陝西道監察御史 改直隸 良鄉令 未

幾 調宜興 性剛毅 不屈 持守廉謹 為詩文 多出
已思 不蹈陳襲 故所著有 鄆人陽藁 栢臺藁 歲

于家

臧魯

字希曾 正德間歲貢 素性醇謹 操行不
苟 任徐州同知 勤於職務 清約自持

臧瓊

字大陽長興人成化己丑進士歷刑部郎中

臧應奎

字賢徵號損齋長興人正德丁丑進士授南京兵部主事時中官以進貢多索船利私載

糜金害民奎悲裁省嘉靖初改禮部精繕嘗進用言用人二事上納之議大禮忤旨詔獄杖于

廷遂卒隆慶改元追贈光祿少卿蔭一子入監

臧相

字伯良海門衛人正德辛未進士任御史

臧繼芳

字原實長興人嘉靖癸丑進士授工部主事繼遷員外郎督高郵河道議十二策當道允

行築堤通漕公私兩便及守松江適值大水餓餒相籍芳特奏乞免糧稅又于夏秋煮粥粟全活者衆內艱計公適以錄囚泊舟姑蘇聞訃即徒跣奔回不復返郡補鄆陽甫五月庶政卓立

聲譽籍籍陞河南副使至鈞州卒芳平居不理
有言及利字者即閉目搖手面赤身汗自秀才
以歷方面無一屢一畝之
積樹回之日行李蕭然

臧惟一

諸城人嘉靖乙丑
進士任吏部郎中

郎

商音中山魯懿公之孫費伯城郎居之子孫因氏焉
望出魏郡北海

漢郎顛

字稚光安邱人父宗善風角星筭能望氣占候
安帝徵拜吳令顛少傳父業兼明經典勤心銳
思朝夕無倦順帝時災異數見顛拜章言
其故復陳便宜七事召拜郎中辭病不就

郎宗

字仲綏學京氏易善風角星筭六日七分能望
氣占候吉凶賣卜自奉漢安帝徵之對策為諸
儒表後拜吳令時卒有暴風宗占知京師當有
大火記識時日遣人衆候果如其言諸公聞而

表上以博士徵之宗祗以占驗見知聞徵書
到夜縣印綬于縣廷而適去遂終身不仕

郎舍

郎監

俱司
空

晉郎方貴

少有志尚與從父弟雙貴同居隋文帝開皇
中方貴常於淮水津所寄渡舟人怒之槌方
貴辭折至家雙貴問知之恨遂向津毆殺船人
津者執送至縣以方貴為首當死雙貴從坐當
流兄弟爭為首坐縣主不能斷送詣州兄弟及
各引死州不能定二人爭欲赴水死州以狀聞
上上異之特原其罪
表其門閭賜物百段

南郎基

字世業本文吏有武畧北齊擢為海西鎮將梁
北攻城基削木為箭剪紙為羽固守還朝拜侍

御史子茂字蔚之七歲誦
騷雅日千餘言次子楚之

郎咏

隱西昌採樵為業或擔入郡市遇人買則曰西
昌逸士酒中人也我今獻公所缺公當惠我所

無

郎茂

周武帝時除衛國令時有繫囚二百茂親自究
審數日釋免者百餘人歷年詞訟不詣州省魏

州刺史元暉謂曰長史言衛國令不敢申訴者
畏明府耳茂曰人猶水也法令為隄防隄防不
固必致奔突苟無決溢
使君何患哉暉無以應

隋郎蔚之

撰諸州圖經集一百卷
周地圖志一百九卷

唐郎餘令

新樂人祖楚之與兄蔚俱有名楚之官至左
丞蔚之官至大理卿餘令博學有文擢進士

第授霍王府參軍其從父知年亦為王友王每曰郎家二賢俱入府不意培塿而松柏為林也

官至著作佐郎

郎士元

字若曾中山人天寶進士寶應元年選京畿縣官詔試中書補渭南尉歷右拾遺出為昂

州刺史時與錢起齊名卒有集一卷

郎餘慶

為御史中丞務謙謹下人引御史坐與論議吏部侍郎楊思立倨貴視選者不以禮餘慶

勅免其官久之出為蘇州刺史累下遷交州都督

郎岌

諫議大夫上表請誅韋氏遭誅

宋郎簡

字叔廉臨安人幼孤貧嗜書景德間登進士第知福清縣邑人為立生祠調隨州推官及引對

真宗曰簡歷官無過而無一人薦是必恬于進者特改秘書省著作佐郎以工部侍郎致仕卒

年八十九

郎曄

事同里張九成嘗編橫浦日新錄雖從淳熙十四年特奏得官然甚以儒學知名

郎淑

蘇州人

郎潔

知臨江軍州事

郎誼

湖州人登科

明郎子文

洪武初知巴陵縣慈惠恭勤創立縣治及學宮置壇墮城池民不勞而事集既去民至今

思慕之

郎敏

濟源人洪武初以國子生授御史擢饒州知府樂平有詣闕妄懇大姓千餘謀逆者詔統兵捕之敏自往察視耕牧如常兼得懇者以假貸不得怨諸大姓故重誣之奏聞詔釋之乃誅妄懇者

郎慶

浙江人永樂進士授戶科給事中歷河南叅議

郎勝

字汝彬慶子正統進士授行人選御史克振風紀見稱于時

郎理

字子中吉安人任戶部主事山西大歎會赦免命理往征理反覆極諫上怒以所持杖撻之理弗為動陳說益堅此今棄市已而悔之特賜祭葬

常

平原商音衛康叔支孫封常因氏又有姓恒改為常氏

上古常先

周常壽

越大夫

漢常惠

太原人武帝時隨蘇武使匈奴拘留十餘年始還昭帝嘉其勤勞拜光祿大夫卒諡壯武侯

三國常林

字伯槐魏河內人父黨造門問伯先在否汝何不拜林曰臨子字父何拜之有長益知名歷官刺史封南陽鄉侯司馬以鄉邑耆德每為之拜或勸止之林曰彼欲敦長幼之序貴非吾所畏

拜非吾所制也時論欲致之

常播

字文平蜀郡江原人也任縣主簿功曹縣長廣都朱游被上官誣劾以逋沒官穀當論重罪播詣獄訟爭身受數千杖肌膚刻爛毒痛慘至更歷三獄幽閉二年有餘每將考掠吏先驗問播

不答言但急行罰無所多問辭終不撓事遂分
明游免刑戮衆咸嘉播忘身為君節義抗烈舉
孝廉除鄴長
年百十餘終

晉

常璩

撰華陽國志十二
卷漢義書十卷

常彫

魏將曹仁使其以
兵五千渡濡須

南
北常爽

字士明林六世孫魏温人篤志好學五經百家
多所研綜州郡辟命皆不就置館教授門徒至

七百餘人時

號儒林先生

常善

高陽人封房城縣男後文帝累遷驃騎將軍開
府儀同三司西安州刺史轉蔚州刺史頻位二

藩有政績進爵永陽郡公孝閔帝踐祚拜大將
軍寧州總管卒贈柱國大將軍都督延州刺史

子昂
和嗣

唐常達

陝縣人從高祖征伐薛舉方強達敗其子仁果舉遣忤士政紹降伺隙劫之歸賊達不屈仁果

平高祖嘉其忠節
仕終隴西刺史

常衮

京兆人建中初為福建觀察史始閩人未知學衮至為設鄉校親加講導由是士風丕變人才

與中
州等

常曾

信州錄事參軍韋應物為作古鼎歌云三年糾一郡獨飲寒泉井江南鑄器多鑄銀罷官無物

惟古
鼎

常何

貞觀中為中郎將陳便宜二十餘條上怪其能對曰臣容馬周具草耳上以何為知人賜絹三

百匹

常休明

睿宗時為曹州刺史史朝義之亂休明及其將薛萼戰敗之

常師儒

長慶二年為餘杭令時縣有虎患師儒祭神以遣民感其德

常景

字永昌雅好文章澹于榮利初為叶律博士累秘書監以預詔命之義封濮陽縣男變詔撰門

下詔書
四十卷

常懷德

新豐人少習三禮明經及第仕歷郡邑俱有治聲為湖州刺史以禮教民民皆化之澆訛

為之一變

常沂

詩人

常建

開元十五年進士大歷中為盱眙尉詩一卷

五代常思

字克恭郭威少孤舍于思家及即位呼為常叔

宋

常思德

開封人累官右神武大將軍雍熙初曹彬止征不利至涿州左右皆潰散獨思德以所部

護至易州曰既備戎行當與主帥同死生若視利害以為去就將何面目見君父乎太宗聞其

言深嘉

慰勞

常延信

平晉人祖思任周歷昭義歸德平廬三鎮節度延信任宋累官梓遂十二州都巡檢使淳

化中歷襄鄧宋曹等州

都巡檢使皆著威績

常真

項城人父母死廬墓終喪不茹葷血周廣順宋開寶間兩詔旌其門真妻病子晏割股肉以療

疾及死次子守規徒跣日一食廬墓三年太平興國中詔旌表之

常挺

字方叔連江人嘉祐初進士歷官太學錄知漳泉州遷吏部尙書咸淳中授同知樞密院事封

合沙郡公拜叅知政事卒贈少保挺有通濟才聲望甚著

常秩

字夷甫汝陰人以經術著稱士論歸重熙寧初詔郡以禮敦遣始詣闕神宗問曰先朝累命何為不起對曰先帝亮臣之愚故得安閭巷今陛下趣迫故不敢不來數求去不許累官至寶文閣待制

閣待制
兼侍讀

常安民

字希古印州人年十四入太學有俊名熙寧中進士為應天軍巡判官知長洲縣政如古

循吏累遷監察御史論章惇蔡京之奸峻直不回後京用事入安民黨籍流落二十年卒後贈

右諫議

大夫

常同

字子正安民子政和中進士除太常博士紹興初知柳州召還首論朋黨之禍除殿中侍御史金使入見同知先振國威則和戰常在我若一意議和則和戰常在彼累遷御史中丞後以顯

謨閣學士知湖州請祠卒子孫家于嘉興

常詵

字直卿同之孫累辟不就所著有天閑錄韞齋筆記雪溪稿門人稱雪溪先生

常楙

字長孺同曾孫淳祐間登進士第為監察御史知無不言累遷刑部侍郎常論天變帝意及

觸權臣出知平江改浙東撫使所至以廉稱後拜吏部尚書進端明殿學士數與廟堂議事不合以疾辭拜叅知政事及卒家無餘貲

常楫

清江人。乾道間，倅房陵，遷知宜州。所至有聲。尤善決獄，家居極孝。友盡以其田廬讓其兄清江。

上流水泛，輒壞民田。楫為築堤，防水田，皆為沃壤。至今民賴焉。

元

常濟

大德中，為餘杭縣尹。時歲饑，民多流亡。濟請于江浙行省，以本縣儲糧賑之。活民萬數。父老至

之今稱

明

常遇春

懷遠人性剛毅，膂力絕人。初為羣雄劉聚所，得度聚無成，乃率眾來歸。從征所至，克捷。運

籌決勝之方，皆不學而能。嘗攻采石，屢出奇以挫元兵。扼江之勢，尋守溧陽，攻建康。又從攻克

陳友諒，擒張士誠，取中原。功居多焉。累官至中書右丞相，封鄂國公。卒，追封開平王，謚忠武。

常昇

開平王仲子也。兄茂洪，武三年，以父功封鄭國公。二年，從宋國公馮勝出塞征納克楚。茂本勝

婿勝言茂驚潰納克楚衆降人械送京師茂亦
言勝短上召勝還奪總兵印罷朝請茂安置龍
州上念開平王功二十一年封昇開國公懿敬
皇太子妃昇姊也北平兵至浦子口昇及魏國
公分道出戰衆散金川門失守昇見文皇得不
死昇子繼祖坐事謫雲南臨安永樂二年召至
京賞鈔幣遣歸謫所繼祖六子長寧寧子復弘
治五年詔錄太廟元祀功臣後復得為南京錦
衣衛世指揮使卒子經嗣老子鳳卒子玄振嗣
嘉靖十年進劉基侑享太廟并議常李鄧湯四
王後十一年續
封玄振懷遠侯

常士昭

洪武中知北流縣在任以廉幹見稱邑人老
穉咸蒙其惠卒之日惟遺一青毡遠近聞之

莫不
歎賞

常茂

字景榮交河人正統
壬戌進士歷副使

常纓

浙江嘉興人天順間任德安訓導學行俱優訓
生徒勤懇無倦訂頑擊蒙其功良溥秩滿陞國

子學
錄

常賜

字承恩沁水人以進士來知縣事捐介有為民
用不擾不三年而邑治肅然以行臺薦擢監察

御史歷官陝西按察司副使後其子大理
評事倫過行唐人皆曰我父母常侯之子

常顯

榆社人成化間以給事中任知府蹈厲有風
幹修學迪士赫有政聲官至河南左布政使

常麟

浙江人成
化進士

常新

河南人成
化進士

常道

字文載來安人弘治乙丑進士歷都御史

常倫

字明卿賜之子正德辛未進士性喜神仙因自號樓居子蓋豪邁不羈之士也嘗為大理評事以京考調壽州判忤上官不告而歸既擢知寧

兖州竟不及往居無何溺水死年三十四平生能文辭兼工書畫善飲酒談兵

常序

字子順棠邑人嘉靖丙戌進士任給事中

常持平

字允升交河人嘉靖己丑進士歷按察使

常三省

字希曾泗州人嘉靖丙辰進士歷參議

桑

商音黎陽秦大夫子桑之後以王父字為氏

桑弘羊 武帝時領大農盡管天下鹽鐵作平準之法
以心計不言利事析秋毫元封中賜爵左庶
長

桑欽 撰水經
三卷

桑成

桑尚 見印
藪

晉 桑虞 字子深黎陽人父冲有深識惠帝時河間王顯
引為司馬冲知顯必敗就職一旬即求去虞仁

孝年十四喪父毀脊過禮嘗有人踰其宅後垣
盜瓜者虞以園多棘刺乃為開道盜聞之自詣

請罪虞家五世同居
閨門雍穆世皆重之

南
北
桑天愛
東昏侯
軍主

桑道茂

寒人夫其系望善太乙適甲
術待詔翰林屢上言皆驗

桑維翰

河南人為醜怪身短面長初舉進士主司
惡其姓不取或勸其他任乃著日出扶桑賦

以見志鑄鐵硯示人曰硯敞
則改業卒第進士晉時拜相

宋

桑懌

雍邱人舉進士不中移居汝潁間諸縣多盜自
請補耆長殺獲殆盡其鄰因之無盜京西轉運
使表其事授邲縣尉徙澠池而朝廷特改右
班殿直積官內殿崇班涇原路兵馬都監

桑澥

宣德郎守尚書都官員外郎知縣事
兼兵馬都監管勾塘岸公事騎都尉

桑安世

哲宗時知榆次縣勸課農桑教民務本嘗
引澗河水曲折數十里溉民田彌久不竭

桑慥

有素行天聖中
除監察御史

桑安衍

袁州
司馬

桑瑁

左補
闕

桑景舒

高郵人
登科

桑贊

太尉守
定州

桑澈

康定元年
知吉州事

明
桑世傑

無為州人自幼慷慨有大志元末率周師來
歸為樞密院判官攻張士誠元帥藥瑞于石

碑世傑奮戈誓必克其城躍
馬陷陣遂死之追封永義侯

桑昭

無為人洪武中掌海南衛印歷十年愛軍恤民創建海口三所城池廣人至今稱之

桑宏

江都人永樂進士

桑盛

指揮敏于政事上下交稱推握衛符蔚其時譽天順間大壩山都掌叛總兵官李瑾討之盛率偏將以從累畫進止方畧瑾接以殊禮間用其言往無不捷以功陞都指揮僉事守備永寧等

四衛邊務漸序不試五兵卒于官

桑溥

字汝公濮州人正德進士歷官按察使

桑琳

字廷貢號鶴溪孝友淳篤勤于儒業尤注意于詩寫情咏物援筆立成所著有蔗鄉雜咏鶴溪

集子
悅

桑悅

字民懌常熟人少有奇質過目輒不忘年十七領鄉薦終柳州府通判喜莊騷家言特長于賦

然縱誕不羈恃其敏悟自稱江南才子下視無人多尤之

桑喬

字子才江都人嘉靖己丑進士任御史

桑荆初

貴州人萬厯間刑部郎中

桑大協

常熟人杭州府通判

匡 晉陽商音句須後為魯臣邑宰因氏

周匡裕

字子孝魯匡邑宰句須之後春秋時師柱下史老聃得長生之術兄弟七人同結廬于南障山

中修煉周定王嘗問方今神仙之在世者幾何老聃舉五嶽諸仙對裕其一也王召之不見後

使使者訪其隱所僅有草廬存
馬邦人遂呼匡山又曰廬山

漢

匡衡

字稚圭東海承人累官至太子少傅朝廷有政
議輒引經以對言多法義數上書陳便宜後拜

相封樂鄉侯子言亦明經
歷位九卿家世多為博士

匡席

匡元

匡去疾

見印
數

匡術

司徒中郎攻石
勒馬頭鳩克之

宋

匡夢者

龍泉人咸
淳進士

元 匡國政

建武軍節度副使才之子也為歸德府判官母病剗肝以進病愈既而復病又別胃和藥

愈之及卒廬墓終喪延祐中旌表

明 匡顯

樂平人洪武進士

匡忠

字體道號仁齋滑縣人世業醫嘗起殆危之疾不責人之報以長厚稱忠幼讀儒書甫冠即開門授徒篤于孝友恩義無至晚年以家事付子愚優游鄉里以詩酒自娛卒年八十

匡愚

字希顏善醫術徵隨中貴鄭和三使外夷其道大鳴

匡一定

江陵人洪武己卯舉人任真定府教授

匡文真

永樂初知羅江縣為政公直撫字有方去之日百姓遮道攀留

匡翼之

字敬夫膠州人成化丁未進士歷按察副使

匡輔

羅源人嘉靖內邱知縣

匡鐸

膠州人嘉靖乙丑進士任給事中

萬姓統譜卷五十一

欽定四庫全書

萬姓統譜卷五十二

明 凌迪知 撰

下平聲

七陽

康 商音京兆衛康叔之後以謚為氏又望出東平會稽

漢

康衡

相元帝
畏石顯

康穆

絢之父負義
氣為河南尹

止 南康絢 藍田人祖穆姚泰河南尹宋時率鄉侯三千家
至襄陽絢佃儻有志性又廉恕仕魏官司馬出

為梁州刺史立庠序勸耕桑敦禮尚風俗
頓革後為東魏洛州刺史卒年八十二

康安

黃門侍郎

康說

宋臣

隋

康賜

寧晉人少孤貧養于外家田氏及長事母以孝聞崇慶三年中進士第為監察御史彈劾不避

官至右司都事司農丞後出為

河中府治中尚書六部郎中

唐

康駢

貴池人篤于自修善論議田頔守宣州聘駢入幕常左右頔畫策禦寇後薦為戶部郎遷中書

舍人

康日知

靈州人祖植玄宗時以功封泰山縣男日知為趙州刺史拒李惟岳德宗美之擢陞趙觀

察使封會稽郡王子志睦資懿偉工馳射以功封會稽郡公承訓亦以功封會稽郡男

康子元

越州人開元初詔張說舉治易老莊者集賢學士侯行果荐子元于說說以聞得侍讀玄

宗將之太山說引子元裁封禪儀官至宗正卿以疾致仕

康澄

明帝時為大理少卿嘗上疏曰國家有不足懼者五有深畏者六願陛下以不足懼者存而勿論以深可畏者脩而靡忒詔獎之

康希說

年十四明經登第歷海濮饒房台曉六州刺史皆有異政頗真卿撰碑記其事

五代

康仁傑

泉州人喜儒學顏自勵尤工于詩因遊江淮會南唐陳德誠出次池陽仁傑以詩投之德

誠薦至金陵時陳洪進據漳泉南唐主台問其土俗仁傑對答無滯授鄂州文學補溧陽簿性

循素儉門無私
謁終汾陽令

康延孝

代北人見帝任用羣小知其必亡乃以百騎奔莊宗莊宗解御衣金帶以賜之

康福

蔚州人世為軍校以騎射事晉王為偏將莊宗嘗曰吾家以羊馬為生福狀貌類胡人而豐厚胡宜羊馬乃令福牧馬于湘州為小馬坊使逾年馬大蕃滋明宗自魏反兵過湘州福以小坊

馬二千匹歸命明宗軍勢由是益甚

宋

康德輿

洛陽人父贊元嘗從曹光實襲李繼遷獲其母妻擢武州刺史贊元死真宗錄德輿累官

西上閭門使至中和河決頓邱德輿以巨艘濟居民遂免昏墊仕至果州團練使知趙州徙陳

州鈐
鐫

康保裔

洛陽人祖志忠後唐時討王都戰歿父再遇從太祖征李筠亦死於兵保裔謹厚好禮善騎

射宋初屢立戰功後為高陵關都部署與契丹戰矢絕而死錄其子繼英繼彬繼明皆至顯官

康延澤

普州刺史全師雄作亂延澤拓散卒千餘人破賊衆三萬由是賊勢稍沮普遂等處皆平

康與之

字伯可宋南渡後有聲樂府呂申公荐于上以文詞待詔金馬門嘗題徽宗畫像云玉輦

宸遊事已空尚餘奎藻繪春風年年花鳥無窮恨盡在蒼梧夕照中高宗見之一慟而已

康傑

知扶風縣與金將馮宣戰宣愛欲招之傑奮曰吾當死于陣不能降敵宣乃殺之

康若泰

字魯瞻以進士第授濬州判官下車視事門無私謁務盡公勤天曆二年歲大饑民食缺

泰惻然于是召富家人宴集募之遂得粟二千石以給貧民時民間重複橫斂泰禁止之民賴

安以

康允之

知杭州扈從統制苗傅劉正彥作亂殺王淵分補內侍皆殺之傅黨入內奏曰傅等不負

國家止為天下除害耳允之見事急請高宗御樓撫諭傅等更乞康履腰斬嚮其肉梟首與淵首相望并捕會擇斬之劫高宗傳位皇子敷請隆祐太后臨朝允之適赭山明年烏珠兵自獨松關入遂犯臨安允之棄城走錢塘令朱蹕死之

金康公弼

應州人進士第累官至乾州節度使卒贈侍中封道國子謚忠肅

康元弼

雲中人幼敏學善屬文登進士第累官至尚書刑部侍郎兼鄆王傅遷南京路轉運使致仕

元康曄

字顯之高唐人登金詞賦科嘗學於閻詠平居論學嘗以操行為先文藝為末元初東平嚴忠

濟為首議興學養士起暕為儒林祭酒四方學者雲集以行能著聞者百餘人所著有滄軒文集數卷卒祀鄉賢祠

孫驛仕至禮部侍郎

明

康茂才

字壽卿蘄州人能通經史大義事母孝元季盜起茂才團結鄉兵禦之王師下建康率所

部降授元師累陞同知大都督事經畧中原從定齊魯善撫綏徭徠解諸州之人屏蔽潼關

秦人不敢東向民立石頌德卒贈湖廣行中書省平章政事柱國追封蕪國公謚武襄

康鐸

字伯瞻茂才子襲封蕪春侯初東宮讀書大本堂鐸侍之賜金牌鑄蕪國武毅公五字置帽上

累著征伐功及征雲南卒于軍贈蕪國公謚忠愍

康彥民

泰和人洪武進士永樂初為天台知縣罷官家居民猶思慕宣德初巡按御史以聞吏部

不從上曰朕方擇人為守今此人罷去
久民猶欲之必有政事及民其召用之

康汝揖

武功人以儒術起家洪武初歷官四川安岳
知縣有治績永樂初以舊臣擢北京刑部左

侍郎既卒官其長子爵上林苑監左監正累遷
太常寺少卿次子禮上林苑監副累遷通政使

參議

康縉

泰和人洪武開科進士
初授平陰縣丞

康慶

襄陽人初以太學生署監察御史改知縣陞和
州知州坐事罷復起為御史陞四川參政宣德

中年老
致仕

康汝芳

字仲實祁門人宣德丙辰進士景泰二年知
辰州府都御史劉廣衡薦之汝芳雅尚恬退

浩然辭去至今
人稱賢大夫

康紹宗

武定州人登進士任戶部主事歷陞為河南布政使司右布政使

康驥

字良德泰和人景泰甲戌進士拜監察御史天順初監官武將竊弄威權驥抗疏論其奸下詔

獄拷掠備極而詞氣侃侃不少挫旣得釋巡按山東風紀肅然歷福建按察使

康玠

字廷玉泰和人天順甲戌進士歷知府

康永韶

徽州祁門人成化間由監察御史謫知惠安為人簡易不事修飭而政事清明吏不敢欺

丙申大饑永韶多方賑濟全活者衆歷任三年調知順昌縣

康勉

松江人由舉人授浙江奉化教諭繼以才行擢知清流縣仁以撫民勤以治事邑人多頌之正

統癸亥沒于官行李蕭然不能歸觀士人皆為之助

康海

字德涵武功人弘治進士第一博學于書無所不讀凡論著必宗經史以宋人言為俚故同進

者忌焉歷官脩撰為人重然諾剛伉自持以此賈禍罷官

康天爵

字汝脩臨汾人嘉靖癸未進士歷布政司叅議

康世隆

字文明咸寧人嘉靖丙戌進士歷布政司叅議

康泰和

字原中莆田人嘉靖乙未進士歷官禮部尚書

康朗

字用晦惠安人嘉靖乙未進士歷都御史

商

官音汝南殷或號曰商以國為氏又望出濮陽

周商瞿魯人受易于孔子後代追封須昌侯

商鞅本衛公子也受封于商

商澤魯人孔門弟子涉覽六籍後世追封鄒平侯

漢商鳳印

宋商飛卿臨海人淳熙初舉進士累官工部郎官時韓侂胄氣焰薰灼飛卿未嘗一造請為監察御

史以言事忤侂胄罷後為司農卿以身率儉糧餉稍充開禧中擢戶部侍郎弟逸卿官至朝請郎

商瑗其先汴人流寓西夏仕為都知兵馬使嘉祐六年因奉使歸宋奏獻密事上嘉其義賜地于浙

之淳安以居即今遼源之芝山也
子孫因家焉以蔭補官者三世

商言詩

登州人
登科

商夷簡

雍熙中泉
州知州

商佑

隆興進士
崑山人

金商衡

字平叔曹州人以特恩第一人為威戎令民饑
能賑敵至能禦民為立生祠累遷監察御史時

哀帝郟國夫人與政內族慶山奴軍敗戶部權
尚書曹強貪墨衡皆舉劾無所避後為秦藍府

經歷元兵劫欲
降之不屈自剄

元商夢弼

至元中原武縣尹蒞政勤敏按
無凝滯決獄明信人無敢輕犯

商挺

濟陰人工詩文善隸書從世祖征伐屢建大議世祖稱為古良將官至中書參知政事卒追封魯國公謚文定所著有詩千餘篇子琬徵拜中臺監察御史琦善書畫歷集賢侍講學士遷秘書

卿書

商琥

字台符元世祖時至元十四年以姚樞許衡荐拜江南行御史臺監察御史監察成卒有利湯氏財者投戈于其家誣為反具琥知其寃罪誣者而釋之

明商嵩

河南人洪武中歷御史中丞署吏部尚書

商輅

字弘載淳安人宣德十年浙江鄉試第一正統十年會試廷試俱第一授翰林脩撰景泰初陞兵部侍郎兼左春坊大學士天順初為石亨等誣陷革職為民十年成化初被召再起未有復

職之命陞見戴平定巾絲絛青布員領自稱原籍為民臣商輅蒙召見廷臣謂其妥帖即復原官仍入內閣叅預機務首疏八事皆切時弊七年冬彗星見疏辭輔導失職條陳八事上納其言而不允其辭改戶部尚書文淵閣大學士時議欲復景皇徽號輅力陳所以當復之故言甚剴切上深感動遂允其請改吏部尚書兼謹身殿大學士以疾累乞致仕家居十年而卒贈太

傳謚
文毅

商良臣

字懋衡文毅公輅之子也登成化二年進士第授翰林庶吉士累官至翰林侍講卒于官

良臣天資淳厚學行老成文章器識無愧于父眾皆惜其早世不克究其用云

商汝弼

淳安人弘治舉人

商臣學

淳安人正
德舉人

商汝頤

會稽人正德
中湖廣叅議

商賓

洛陽人以吏科給事中改知銅陵疏請聽民開
墾荒田民無不業者任滿民請留進府同知仍

知縣
事

商大節

鍾祥人歷官都察院右僉都御史平生慷慨
負奇氣忠義孝友得之天性故自為教為令

司諫司刑啟歷藩臬巡撫畿甸總憲內臺風裁
勲譽卓乎出士人右嘉靖間北敵犯都下大節

巡視九門召募義勇經畧京城內外後因咸寧
侯仇鸞調散人馬乃上疏發其不軌之謀竟反

坐誣獄身死隆慶改
元詔賜葬祭謚忠愍

昌

汝南商音風俗通云黃帝子昌意之後今嶺南多此姓

漢昌容

常山道人自稱殷王女食蓬蘽根往來上下見之者二百餘年而顏色如二十許人能致紫草

賣與染家得錢以遺孤寡歷世而然奉祠者萬計讚曰殷女忘榮曾無遺戀怡我柔顏改華標

情心與化遷日與氣鍊坐卧奇貨惠及孤賤

昌豨

呂布將

北**昌義之**

梁烏江人有武幹每戰必捷性寬厚為將能得人死力累功至護軍將軍

五代**昌琦**

齊禮侍

宋**昌懿**

邕州人進士補文學紹興中上疏言馬政

昌稽中

朝奉郎
知建中

昌森

字元秀涇人初授蘄州廣濟縣尉以捕盜改秩知光州固始縣秩滿任揚州僉判歷知英連二

州

昌湜

大理
寺丞

昌正大

嘉定
進士

昌永

字禹功涇人靖康中金人犯京師永率太學諸生守義不屈朝廷嘉其節補進義校尉紹興癸

未以特奏第一

累遷太常寺丞

元

昌中峯

池州儒
學教諭

明 昌俊

涇人 洪武貢士

昌祚

蘄州人 永樂中任博羅縣知縣 築堤修學 勸課農桑 歷四川叅政

昌盛

咸遠人 永樂舉人

昌文

涿州人 舉人 正統中監利縣知縣

昌壽

字子仁 河南衛指揮 嘉靖中掌山東都司事

昌應會

莆田人 嘉靖中知漢川縣 縣當漢江下流 土田歲被滄沒 民不聊生 應會極意拊循 輕徭

緩賦 嘗夜有盜劫民舍 應會聞而即逐之 盜戡其兩耳去 已得盜 盡殺之時 景王出封安陸 奏

討庄田 闌及漢川 中璫暴橫 倍昌會故持之中璫 怒昌強項 奏逮繫 按察司獄者 累月當道 承

景府意竟坐調他邑民思
之為立祠生祀于漢江上

昌應時

字廷佐莆田人嘉靖
庚戌進士歷知府

昌自脩

全州人萬曆
癸酉舉人

杭

餘杭商音吳中多此姓又望出丹陽見何氏姓

漢
杭徐

字伯徐丹陽人初試宣城長有相聚林藪為盜
者公悉移至縣下境內肅然為中郎將殺泰山

賊斬首三千餘級封東
鄉侯後遷長沙太守

明

杭琪

山東人洪武初
任戶部尚書

杭濬

溧水人洪武
舉人任御史

杭全

赤水術人景泰癸酉舉人湖廣咸寧縣知縣

杭濟

字世卿宜興人弘治癸丑進士官至方伯弟淮俱善詩學有二杭集

杭淮

字東卿宜興人弘治進士歷戶部侍郎

強

商音天水丹陽有強氏平聲

漢

強萬厓

印

北南
強練 容貌長壯有異于人神情敵愾莫之能測意欲有所說逢人輒言若值其不欲言縱苦加祈請

不相酬答初聞其言畧不解事過往有驗人皆敬信之嘗告乞市人爭以米麥遺之練張囊受之隨即漏之以地人或問之但欲使諸人見乘空耳後莫知其所終

强永

强帛

强起

强斌

並畧
陽人

强将容

趙常山
太守

强京

西陽
侯

唐
强循

梁泉人累官雍州司戶參軍不尚威嚴教
華原人通渠溉田一方賴之號強公渠

强寶質

兵部
郎中

強脩

畧陽人仕至御史中丞

宋強至

字幾聖錢塘人為文簡古不徇俗舉進士第相韓琦累薦充館閣不果終祠部郎卒贈金紫光祿大夫子浚明陟明皆登進士淵明字德孝歷禮部尚書翰林學士承旨終資政殿學士

謚文憲

強猷明

字可學掌戶部架閣文字

強休甫

奉直大夫直秘閣

強黻

字叔章紹興進士常州府通判

強相如

强公諶

常州人
登科

强公邵

右迪功郎紹
興中登第

金强伸

蒙古兵破陽伸被執蒙古帥誘之曰汝能北面
以屈膝當貸汝死伸不從左右持使北面伸拘

項南向曰
速殺我

元强玘

字彥榮讀書攻詩早遊京國徧交縉紳之士值兵
變歸隱居田里以翰墨自娛至正間薦授常熟

州判官不就同時有秦昂字文剛
阮孝思字維則與玘交善並有詩名

明强鍾

邵武人洪武
間中進士

强文英

崇德人洪武中
任禮科給事中

强宏

汝陽人正統進士

强滿

侯官人成化間進士

强彌

四川人成化進士

强珍

字廷貴滄州人成化丙戌進士任右副都御史初知涇縣廉謹不受私謁有應變才歷官卓著

經濟

强毅

上元人弘治舉人

强仕

字甫登號綺塏無錫人嘉靖辛卯鄉薦授江西廣昌尹擢山東德州太守歸隱于市夙嗜詩學嘗

結會碧山吟社有家食編

疆 丹陽平聲又云其西切當作上聲望出扶風

漢 疆華

光武在長安時同舍生
自關中奉赤符于帝

疆郎寶

印

宋

疆寬

知環州隆興間金兵圍環寬與其弟環慶路總領
震堅守孤城招降不屈城陷死之詔立旌忠廟

疆弼

登科

南

疆求

將軍

疆練

北齊人

疆

周疆劍

晉大夫

疆什之

漢陽大夫

萇

望出魏郡東平萇弘之後

周

萇弘

資中人敬王時為大夫孔子嘗從之問樂死而血碧蜀人祀之

漢

萇奴

表紹將

萇地行

萇賀

萇益

萇博

見印

唐萇鳳

唐末人嘗贈羅隱雁頭牒百幅

萇總

大歷中奉天尉

五代萇從簡

善用槊力敵數人仕後晉為金吾

明

萇輝

柳州人成化舉人

萇

關

倉

關

氏庫氏

上古倉頡

南樂吳村人生而齊聖有四目觀鳥跡蟲文始制文字以代結繩之政乃軒轅黃帝之史官也

周倉葛

陽人諫王勿以陽樊賜晉

三國倉慈

魏熾煌太守抑挫權右撫卹貧羸民夷翕然稱其德愆數年卒吏民悲感圖畫其形

倉孝仁

魏太和中遣熾煌太守良二千石也

南止倉跋

北魏人孝行見稱鄉里詔旌表門閭

元倉振

知新州時獯賊蠱起振深入賊所諭以禍福示以恩信羣獯帖然向化暇日詣學召諸生講解

經義又于驛路夾植榕松以便行者人歌曰高松蒼榕一道清風

明倉紀

遵化人正統十四年任六合縣訓導

皇

吳郡三皇之後因氏又出自宋戴公之後

周
皇封子
宋大夫

皇非我
宋司馬

皇耳
鄭使皇耳
帥師侵衛

皇瑗
宋使圖
鄭師

皇懷
非我
弟

皇國父
為宋
太宰

皇欣
魏將

皇辰
鄭大夫

皇頡

鄭大夫

漢皇初平

年十五家使牧羊有道士見其良謹便引至金華山石室中四十餘年忽然不復念家其

兄初起行索初平歷年不見後有道士乃問之道士曰金華山有牧羊兒姓皇字初平兄乃隨

道士與初平相見語畢問羊何在曰在山東兄往視但見白石不見羊初平曰羊在耳兄自不

見初平乃往叱羊羊起于是白石皆起成羊數萬頭

皇運

琅琊相

皇象

工書青州刺史

皇弘

東漢人受書于朱普

皇倭

皇交

皇伊

皇延

俱印
載

南
北
皇侃

吳郡人少好學明三禮孝經論語仕梁為國子
助教撰禮記講疏五千卷書成詔付秘閣召入
壽先殿說禮記義武帝
善之加員外散騎侍郎

皇犬子

小史初名太子武帝曰皇太子非名之詔于
是移黜於外因名犬子繼而太子相繼薨廢

皇平

豐陽
人

唐 皇輔

澧州判官

宋 皇漢傑

常州人
登科

皇辰

安州人
登科

皇鎮

都昌人
嘉熙進士
知府

明 皇言材

陝西人
洪武中任
稷山尹

皇銓

合肥人
正統中
荊州左衛千戶

涼山陽

漢 涼潤

涼儉

見印

三涼茂

字伯方昌邑人少好學論議常據經典以處是非曹操辟為司空掾補侍御史時泰山多盜賊

以茂為太守旬日之間襁負而至者千餘衆轉東浪太守公孫度在遠東擅留茂終不為屈後徵還為魏郡太守甘陵相所在有政績魏國初建邈中尉奉常文帝在東宮茂為太子太傅文禮之帝甚

相

西河商音武洛山出四姓其一曰相氏平聲息亮切湘平聲

晉相雲

馮翊人姚秦時作獵德賦

北相願

蘭陵王長恭尉長恭芒山大捷故酷虐其屬以自穢初相願能知其心

元相威

國王燕肯微爾之子也世祖至元十四年拜江南諸道行臺御史大夫浙東盜起浙西宣慰使錫哩巴縱兵肆掠俘及平民乃遣御史商琥據錢塘津渡閱治之得釋者以數千計錫哩巴遁還

都奏執還揚州治其罪

明相傑

順天人景泰進士

相迪

上元人正統舉人任知府

相樞

山東博興人弘治進士山西泰政

相佐

錢塘人弘治進士

相世芳

山西人正德進士

相儒

烏程人任知縣

光

田光之後子孫避地以光為氏

晉

光逸

字孟祖為博昌小吏送客冒寒舉體凍濕入令被中卧令大怒將加嚴罰逸曰若不暫溫必凍

死奈何惜一被而殺一人乎今奇之

唐

光楚客

撫州都督

宋

光垂祐

登科

光盛

以武善大夫知宜州

光利賓

澤州人

明 光輝

東平人景泰舉人

光玉

樂平人弘治中邯鄲縣丞

光懋

山東信陽人嘉靖乙丑進士任吏科給事中

長

見姓苑平聲

周 長魚矯

與郤犢爭田犢執長父母妻子同一轅

長沮

葉人避世隱居孔子過葉見長沮耦而耕使子路問津長沮曰是魯孔丘歟是知津矣

漢 長樂

見印數

宋 長汝楫

撫州軍事判官

長宗道

淳佑間
知宜州

明
長略

滑人嘉靖中
河南衛指揮

長珊

廬州衛
千戶

印

見姓苑

漢

印祗

御史大夫
見功臣表

印疏

周封史也
鍾乳至數百年往來入太室山中有卧石藏枕

馬讚曰八珍促壽五石延生印數得之鍊髓餌
精人以百年我享千齡寢息中嶽遊步仙庭

印

馮翊姓苑云出自穆公子印後以王父字為氏今吳
興有此姓

周印段

鄭大

南印燦

南唐人登進士第

宋印况

江寧人舉進士

堂

楚大夫伍尚之後

漢

堂谿

潁川才子

崇

齊桓公之後封邑于崇其後遂為氏

周

崇無咎

齊大夫

囊

平陽徵音楚莊王子囊之後以字為氏

囊瓦

尹令

囊帶

齊大夫

蒺

明蒺清

永福人宣
德舉人

芳

見姓苑風俗通

漢

芳垂敷

幽州刺史

芳丹

光武時據新
豐後降漢

蒼

八凱蒼舒之後望出武陵

漢 蒼英

江夏太守

蒼陸

南郡人全滿長

魯

見姓苑

周

魯左

楚大夫大

藏

見姓苑

北 藏凝之

學涉有當世才與司空徐湛之為異常交年少時與傅僧祐俱以通家子始為文帝所引

見時宋武帝與何尚之論鑄錢事疑之便于其語次上因回與語僧祐引凝之夜令止疑之大

言曰明主當再遇便應政盡所懷上與往復十餘反疑之辭韻詮序上甚賞焉後為尚書左丞

五代藏珍壯漢益州經畧使

彰見姓苑

漢彰章齊人

琅見姓苑

周琅過齊大夫

狼河南官氏志叱奴氏改為狼氏

周狼曠晉人事襄公求為右不可襄公縛秦囚使戎右萊駒以戈斬之囚呼萊駒失戈狼曠取戈以斬

囚禽之以從公乘遂以為右及彭衙既陳狼曠以其屬馳秦師從之大敗秦師

狼蘧疏

齊人
戎右

傍

平聲西羌姓

唐傍企本

北地
羌豪

羌見姓苑出于西范又宋有姓匡者避本朝諱改姓羌

晉羌迪

石水
將

宋羌子充

和州人治
平進士

明羌仁寅

衡陽人永樂中任
交趾建平推官

羌永祥

衡陽人正統
中任訓導

羗禮

山東人弘治中任繁昌縣丞

羗仁政

桂陽人嘉靖中任推官

將

見姓苑魏有將先生出通書

周將渠

燕大夫將渠諫王曰與人通關約交以五百金飲人之王今使者報而兵隨之不祥兵無成功王不聽為趙廉頗逐五百里乃請和趙因不許必欲得將渠虔和乃解燕圍

晉將容

常山太守

宋將繼周

字世脩青田人祭酒存誠之從孫七歲作牧童詩有回首一聲笛斜陽遮半山之奇語甫

冠紹興二十四年登進士第淳熙初元除校書郎廷對論事剴切孝宗獎諭曰卿文大似陸贄

自是擢官言路知無不言上親札褒異有盡公
無私之語歷諫議大夫御史中丞至通奉大夫
卒贈光祿大夫有禮記大義幾百篇諫藁
十卷臺評三卷經筵講議五卷雜文五卷

明 將翔

如臯人弘治
中任邯鄲丞

襄

太原魯莊公子遂謚襄子孫以謚為氏

周 襄仲

魯公子

襄伊

齊臣死於
崔子之難

漢

襄楷

平原隰陰人好學博古善天文陰陽之術桓帝
時災異尤數楷詣闕上書言春秋以來連有霜

雹及大雨雷由刑罰急刻所致願賜清問極盡所言不聽

槍 七羊切見姓苑

周 楚有趙烈侯賜歌者槍石田千畝

漢 槍傳

祥 見姓苑

明 湖廣荊州府有祥氏

香 見姓苑

周 齊宣王為大室蓋百畝堂上三百戶以齊國之大三年不成羣臣莫敢諫香車問曰荆王釋先王之禮樂而為淫樂敢問荆邦為有主乎王曰為無主敢問荆邦為有臣乎王曰為無臣車曰

今王為大室三年不成而羣臣莫敢諫敢問為有臣乎王曰為無臣車曰臣請避矣趨而出王曰香子留何諫寡人之晚也遽召尚書曰書之寡人好為大室香車止之也

漢香隆

印數

良姬姓鄭穆公子子良之後

周

良霄

楚大夫

漢

良就

長史

良廣

良章

良佐

見印數

良燮

字惟和上黨人篤學
敷行安帝聘為博士

良賀

長秋長清儉退厚忠於為國
詔舉武猛賀獨無所荐帝問其故對曰昔衛鞅因景監以見有識
知其不終今得臣舉者匪榮伊辱固辭之

曩

見姓苑

元

曩秉彜

元蒙古人一名加台寓居澧州受學于瞿丙
中湖廣鄉試第一舉進士授薊州錄事官至

河南省
參政

坊

本朝坊蒙
字彥輝徐州人洪武中休寧縣丞

張

明張錦
鄆縣人永樂中句容縣訓導

忙

明忙義
豐潤人永樂中常德衛千戶

忙宗
永樂中廬州衛千戶

茫

宋茫端臣
承議郎

芒

周 芒 卯

秦昭王曰魏將如耳矣然魏齊孟嘗芒卯執賢左右對曰不如王曰以魏齊芒卯之賢而不能

攻秦今以無能之如耳率韓魏伐秦其無奈寡人明矣

明 芒 文 績

臨川人任國子學正洪武二十六年開建貴州儒學以文績為教授訓誨有方人始知學

兩典文衡為時所重

防

漢

防 廣

棠邑人為父母報讐死哭泣不食以孝聞

明

防 盛

寧縣人永樂舉人

狂

周狂狡

宋大
夫

魴

漢
魴山

虺

漢
虺充

剛

明

河南裕州
有剛氏

當 漢置當州見姓苑

昂 見姓苑

嘗 風俗通云孟嘗君之後出姓苑

穰 望出高平河內齊將穰苴之後子孫氏焉

鄉 見姓苑

荒 見姓苑

囊 音囊出直音

翔 見姓苑

駮

音唐國名見直音

鄴

見姓苑

目

音良見直音

莖

音良見直音

閻

見姓苑

倬

償

萬姓統譜卷五十二